



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De desiderio animæ ad cælestè regnum. XVI.

[urn:nbn:de:hbz:466:1-45790](#)

CAPVT XVI.

De desiderio anima ad cælestē regnum.

1. **V**NICUM & singulare desiderium sanctorum in hac vita fuit nihil communē habere cum hoc seculo, sed per contēptum terrenōrum tendere semper ad præsentiam Christi & consor- tium angelorum. Vnde & beatus Paulus vehemens amator Christi, omnia terrena perfectē despiciebat : & ad cœlestia xstuan dicebat: Cupio dissolui, & esse cum Christo. Non est omnium a- le desiderium sed perfectorum, qui dicere possunt: Nostra con- versatio in cælis est. Nam valde pauci ita nudati inueniuntur, qui totum affectum suum ad æterna erigunt, & de terrenis diu- rijs & honoribus nihil ambiant. Qui autem amore Christi ac- censi, in paupertate & contemptu sui gaudent, atque cor in hu- militate deprimunt, & de paruis negligentijs etiam stricte sci- pos reprehendunt: qui necessaria vitæ sobriè & cum timore ca- piunt, & potius minus quām amplius requirunt: hi sunt veri con- temptores mundi & amici Dei ad patriam festinantes, para- corpore exire, & ad Christum citius peruenire; non habente, quod possit eos in seculo delectabiliter retinere.

2. Felix anima, cui tale desiderium inest, & per singulos die- feruorem addit feruori: non desistens orare & clamitare ad Chri- stum, donec aperiatur sibi porta cæli, & ingrediatur regnum Dei cunctis fidelibus promissum. O beata patria, vbi perpetua letitia, pax summa, clara Dei notitia, charitas perfecta, & beatitudo co- summata. Ibi melior est dies una, quām hic mille millia, quia ibi penuria nulla; hic miseria multa, pax rara, cognitio parua. Quid miseri loqui possunt de felicitate superna? Quid mortales caper- sciant de æternitate vera & vita sempiterna, nisi sub quadam cali- gine & scripturarum velamine tecta? Gemat ergo anima fidelis mundi circumfusa tenebris, ad gaudia lucis æternæ, ad societatem patriæ cœlestis, indesinenter oculum mentis sursum eleuant, vbi Christus est in gloria Patris, per æterna secula regnat.

Amen.

F I N I S.